

Sr Piera Cavaglià FMA



S. Teresa gia espírituál
iha dalan ksolok no glória nian



**Reformadora Carmelo nian, S. Teresa (1515-1582) simu naran nu'udar
Mater spiritualis, hanesan hakerek iha estatua ne'ebé ita hetan iha
Bazílika S. Pedro iha Roma nia okos**



**Don Bosco, hodi hili S Teresa
d'Ávila nu'udar Patrona
Instituto FMA nian, hakarak
konfia ninia família relijioza ba
feto ida ne'ebé hatene tau
hamutuk ideál apostóliku ho
ida kontemplativu.**

*** Espiritualidade ida laho
konflitu eh
dikotomia/separasaun.**

*** Buat umanu hotu hetan
valorizasaun no unifika iha
Maromak nia prezensa.**

Nia esprime esperiéncia espirituál iha ótika' *amizade ho Maromak no ho ema seluk.*

Iha 'Cammino di perfezione' nia salienta oinsá importante hamrook ba bee moris kontemplasaun nian, intimidade nian iha orasaun no, tempu hanesan, «*hatudu ternura, sai sensível ba Irmán sira ninia terus no nia moras ki'ik*»



Aspetu sira S. Teresa nia Espiritualidade nian





**Ninia estilu akompañamentu nian
karakteriza ho sabedouria no inan
ida nia afetu ne'ebé iha kuidadu ba
ninia oan-feto sira no halo sira
hadomi nia .**

**Nia fó ba sira dezafiu ida:
*Maromak realiza buat ne'e hotu iha
ha'u, apezárde ha'u-nia limite sira,
tanba sá mak nia la halo mós ho ó?***



**Ho razaun bele hanaran “místika asaun apostólíka nian”
tanba moris no atua hodi Espíritu Santu no ninia don sira
nia influénsia no buka komunika ba ema seluk esperiénsia
kle'an ne'ebé nia moris.**

1 - Orasaun



Orasaun mak «relasaun
amizade nian: hamutuk
beibeik mesa-mesak ho Nia
ne'ebé ita hatene hadomi
ita».

ita la bá orasaun atu buka
konsolasaun sira no ita an
rasik nia realizasaun,
maibé atu bele sai tebes
duni “atan sira domin
nian”.




Uniaun ho Maromak ba Teresa
la'ós ezersísiu ida ba momentu
ruma, maibé forma ida moris nian.
Ne'e mak hahalok ida "horik ho
Nia" nune'e, ida-ne'e mak lurón
ne'ebé lori direktamente ba meta,
liufali "hanoin barak".

Ba nia harohan katak horik iha
Amigu divinu nia prezensa

Ba esperiência orasaun nian indispensavel *umildade*.
Antítezi: mizerikórdia/mízera, Maromak nia forsa/frakeza umana halo parte
vida espirituál.

Rekoñese ho umildade an rasik nia mizéria mak kondisaun atu fluxu
mizerikórdia nian bele habelar iha klamar.



2 - LARAN-MANAS APOSTÓLIKU

tutun kontemplasaun nian



Orasaun mak bee-matan iha-
ne'ebé suli atividade
apostólica, basá orasaun
“prodús obra sira”.

Santu sira,
“*los olvidados de si*”,
konsentra totalmente iha
Maromak to'o konsege
hadaet santidade ba ema
seluk.

**Fekundidade apostólica depende liuliu husi
kualidade vida orasaun nian, husi atitude babukak
Maromak nian no husi imitasaun Kristu nian.**





**Etapas ikus, tutun moris batizmu nian
mak unidade nakonu kontemplasaun no
asaun nian, hanesan hatudu iha figura
Marta & Maria nian:**


*«Fiar ha'u bá, atu simu Na'i, iha Nia
nafatin ho ita, haree presiza atu Marta
no Maria konkorda malu. Oinsá mak
Maria, tur iha ninia ain bele, fó han ba
Nia se ninia biin la tulun nia? Sei fó han
ba Na'i bainhira halo buat ne'ebé posivel
atu manán klamar barak, ne'ebé hodi
hetan salvasaun bele hahí nia ba
nafatin».*

3 - KOMUNIDADE

espasu domin no ksolok nian



**Tanba admira Jezús, Teresa buka Nia iha ne'ebé de'it Nia horik bá, ho
modu partikulár iha comunidade.
Nia hanaran “Kristu nia koléjiu”,
Betânia foun iha-ne'ebé Na'i horik “iha belun sira forte iha Maromak”
nia leet.**



Komunidade teresiana mak *koinonia* ida, comunidade agápika ida ne'ebé bazeia ba domin resíproku, tanba “hotu-hotu iha kapasidade atu hadomi”,
“*hotu-hotu tenke sente nu'udar belun, hotu-hotu tenke hadomi malu, hadomi no tulun malu*”.



S. Teresa hakarak kuda iha konvivénsia fraterna nia laran tón ida ksolok interiór no esteríór nian, hakmatek no liberdade espíritu nian, jovialidade/ksolok no sentidu umór nian ne'ebé halo moris sai simpátika no atraente.
***Rekreiu* iha espiritualidade teresiana mak ema hotu no ema ida-idak nia obra.**





**La iha membtu ida
komunidade nian evita husi
rekreiu. Relijioza ne'ebé buka
solidaun durante rekreiu nia la
sala de'it, maibé nia apresenta
sintoma perigozu.**

**Teresa hatudu nia an umana liu bainhira konsidera
nesesidade oioin ema nia, maibé tempu hanesan kondena
nakukun sira ne'ebé tau hani ba fraternidade, liuliu
sentimentalizmu no amizade partikulár sira.**



Buat sira-ne'e impede sirkulasaun karidade loos nian no sai peste ida ne'ebé labele kura, harahun komunidadade.

Domin ne'ebé Teresa propoin mak domin ida forte, maka'as, puru, maskulinu hanesan Kristu no femininu hanesan S. Monica nian



4 — MARIA nia PREZENZA iha vida orasaun nian





**Maromak nia Inan prezente iha Santa
nia moris no obra sira.**

“Nia, ikusmai, halo ha’u sai ninian”



Ba Maria mak nia dirije Orden, regra, ábitu, religioza sira no uma sira, hanaran “Santa Maria nia Uma sira”.

Na’i-Feto mak “Inan, Patrona no Señora” comunidade nian, “Nia ne’ebé proteje ita hotu”, basá nia mak Fundadora loloos Karmelu nian.



S. Teresa sente Maria nia prezensa iha ninia sorin, no konsidera nia nu'udar superiora loloos Konventu sira-nian.

Bainhira nia to'o iha Konventu Inkarnasaun nian, nia tau Maria nia estatua iha superiora nia fatin.

**Maria dehan ba nia:
«Ó halo di'ak atu tau ha'u iha-
ne'e. Ha'u sei sai presente
nafatin iha hahí sira ne'ebé sei
hasa'e ba ha'u-nia Oan-Mane no
sei apresenta ba Nia».**




Iha dalan orasaun nian, Maria mak modelu tanba ninia haraik-an ne'ebé hodi loke fuan ba Maromak no ba akollimentu krús nian ho fiar tomak.

Referéncia sira ba S. Teresa iha Maria D. Mazzarello nia esperiéncia



Iha Maria Domenica Mazzarello nia formasaun espirituál bele nota influénsia signifikativa S. Teresa d'Avila nian

- * diretamente liuhusi leitura ba ninia obra ruma**
- * indiretamente liuhusi Giuseppe Frassinetti nia mediasaun**



**«Filhas de Imaculada» nia formasaun nia parte boot mak “teresiana”
tanba konseitu orasaun nian, nune’e mós ba “amizade espirituál sira”
ne’ebé tulun atu lori ba santidadee.**



Sira lee livru:

«*Le amicizie spirituali,
imitazione di S. Teresa di Gesù*»


Frassinetti publika iha Genova
iha 1853.

Maccono hakerek katak ne'e mak
panfletu ida ne'ebé "sira hotu
iha".



**Ir Petronilla dehan katak Madre Mazzarello
fó hanoin hikas beibeik ba Irmán sira S. Teresa nia fraze:
«Buat ida keta perturba, buat hotu liu, Maromak la muda, ema ne'ebé iha
Maromak iha buat hotu».**

**Irmán Eulalia Bosco fó sasin:
«Nia hakarak atu harohan ba S. Teresa atu invoka domin ba Maromak».**



Sintonía espiritual entre S. Teresa & S. Maria D. Mazzarello



**Dalan rua moris nian nakonu ho dosilidade ba Espíritu Santu.
Nhaluan feto na'in rua ne'e nia fuan atu sira bele sai nakonu ho
sabedouria, prudénsia, aten-barani, ho kapasidade atu akompaña
ema seluk iha dalan santidade nian.**



Evidente sintonia espiritual entre sira:

* *Grasa komuñau nian ho Maromak* naksuli iha sira no habelar iha sira-nia Irmán sira no iha foin-sa'e feto sira.



* ***Domin nalakan ba Jezús***, ne'ebé implika hakoren an husi buat hotu. Domin ida ne'ebé la taka iha intimizmu, maibé loke no komunika ba ema seluk.

Ema ne'ebé hasoru tebes duni Na'i hakarak akompaña ema seluk ba beematan moris no ksolok ida-ne'e.



S. Teresa hakerek: «Ha'u-nia Na'i, se sira tebes duni koñese Ita, sira sei la tau tan importánsia ba buat seluk, tanba Ita laran-luak liu ho ema ne'ebé konfia tebes iha Ita!».

Dezeju hanesan Madre Mazzarello nian: «Fó hanoin ba oan-feto sira katak hodi mai iha-ne'e no abandona mundu, ketak halo fali mundu ida hanesan ida-ne'ebé sira husik ona iha-ne'e... [...] Espozu lalehan doben!... no sira dehan katak sira hakarak de'it Ita!... Ah, se sira koñese Ita hanesan ha'u oras-ne'e koñese Ita...!».



* ***Esperiéncia orasaun nian.***

Esperiéncia loos orasaun nian mak kestaun domin nian, katak apresia Maromak nia prezensa no haksolok ho Ninia amizade.

«Imi mantein, tuir imi-nia kbiit espíritu uniaun nian ho Maromak, horik iha Ninia prezensa nafatin» (S 23, 3).

Orasaun iha estilu salezianu:

- * movimentu úniku karidade nian (art. 38);
- * loke ita ba Kristu prezente iha ema sira no iha realidade (art. 37);
- * asaun ida-idak sai fatin enkontru nian ho Maromak (art. 48)





* *Marta & Maria* tenke “la’o ho *ain-hakat hanesan*.
Vida kontemplativa no ativa la’ós atu konsidera iha opozisaun ba
malu, maibé iha armonia, tanba husi sínteze ida-ne’e de’it mak
naksuli mai “*karidade ne’ebé iha pasiénsia no laran-manas*”
nu’udar virtude karakterístika dahuluk FMA sira-nian.

*
Unidade moris nian ne'ebé ita
admira iha S.Teresa no S. Maria
Mazzarello mak rezultadu husi sira-nia
afetu filiál ba Maria SS.ma ne'ebé
eduka sira atu halo sínteze entre
kontemplasaun no asaun.

Domin ba Maria mak fatór armonia no
unidade interiór nian.

(Padre Luigi Gaetani o.c.d.)



Ksolok mak dimensaun importante Santa na'in rua ne'e nian.

❖ Don Bosco, iha ninia vizita ida ba comunidade Alassio nian, husu ba FMA sira: *«Imi hotu haksolok? Ha'u hameno imi santidade, siénsia no ksolok! Imi hotu halo Santa Teresa! Imi hanoin bá katak demóniu ta'uk ema ne'ebé haksolok. Nia sei babeur imi ho dezánimu tan serbisu barak ne'ebé imi iha»*.

❖ Iha *Konstituisaun* 1885 nian, iha referénsia significativa ida ba S. Teresa iha artigu kona-ba Mestra novisa sira-nian: *«S. Teresa hakarak Relijioza sira ne'ebé haksolok, sinsera no nakloke. Tanba ne'e Mestra Novisa sira-nian sei iha atensaun atu halo nia aluna sira sai nune'e, basá Irmán sira ho karákte ida-ne'e mak sira ne'ebé iha liu kapasidade atu inspira foin-sa'e feto sira no ema sira mundu nian atu estima no iha domin ba piedade no Relijiaun»*.



Lealdade no frankeza mak aspetu espiritualidade teresiana no saleziana.

Lealdade nia espresaun mak hadomi lahodi finji nune'e mós lahodi lohi no la'ós hodi subar ba ema ne'ebé hadomi lia-loos sira maski haterus, maibé nesesária.

Ema ne'ebé hadomi iha profundidade la iha kbiit ba oin rua-rua (duplisidade).



*

Iha mós sintonia barak entre Santa na'in rua ne'e kona-ba **vida komunitária** ho abut iha afetu loos biin-alin sira ne'ebé tasak, ne'ebé buka ida-idak nia di'ak laho infantilizmu seluk eh kobardia.

S. Teresa ko'ali akona-ba «domin puru»
& Madre Mazzarello hameno karidade, ida loos nian, ne'ebé liberdade mak kria (kf S 35,3) no korresaun fraterna halo sai auténtika.



Iha dalan espirituál ***labele haksolok ho uitoan***, maibé iha objetivu ba radikalidade basá Maromak haraik tuir sasukat ita-nia kapasidade nian atu fó espasu ba akollimentu.



Kondisaun ruma ba akompañamentu loloos:

- dosilidade ba Espíritu Santu;
- sentralidade Jezús nian iha moris rasik;
- kapasidade atu husik Maromak kona ita no halo esperiénsia Maromak nian suli ba ema seluk;
- aseitasaun iha haraik-an kona-ba realidade rasik difikuldade nian, limite nian, salan nian;
- husik atu ema sira nia nesesidade interpela ita;
- esperiénsia mariana nu'udar esperiénsia kontemplasaun no unidade interiór.



Sr Piera Cavaglià FMA